



**Titiraq titirarhimayuq Havaaqaqtumun Ministamun Qulliq Auladjutinut  
Kuapuraissinggatigut Hapkuninggga:**

**Qulliq Auladjutinut Kuapuraissinggat 2014/15 Akittuutilaanggitnik  
Uuktuutikhaq – Piumayayuq Iniktiqhimayumik Titiqqidjutimik  
Malikhugu Titirarhimayuq 2014-4**

**Titiraq 2014-05**

**May 16, 2014**

**PANEL MEMBERS**

Ray Mercer

Ikhivautaq

Graham Lock

Ilauyuq

Anthony Rose

Ilauyuq

Jimmy Akavak

Ilauyuq

**IKAYUQTIT**

Laurie-Anne White

Aulapkaiyi

Raj Retnanandan

Qauyihaiyi

## **TITIRAIT NAITTUNIKKUT**

GRA	General Rate Application
FRS	Fuel Rate Stabilization Fund
FSR	Fuel Stabilization Rider
QEC	Qulliq Energy Corporation
URRC	Utility Rates Review Council

# ILUANI ITTUT

<b>1.0</b>	<b>NAITTUMIK NAUNAIRUTIKHAQ .....</b>	<b>2</b>
<b>2.0</b>	<b>IHMALIURUT PIUMAYAUYUMUT INIQTIKHAUYUMUT TITIRAQ.....</b>	<b>2</b>
2.1	IHVRIUNGNIRMUN MALIKKUUTIKHAQ .....	2
2.2	MANIKHAUTIKHAT:.....	3
2.3	AULLANGNAHUAKKAT ITIQTIQVIKHAATLU .....	3
2.4	AADLATQIYAUNINGGA AKILIQTAKHAT.....	4
2.5	UTIRUT NAAMMAGIYAUYUMIK.....	ERROR! BOOKMARK NOT DEFINED.
2.6	AKIKHAQ ATUGAKMUN.....	6
2.7	MALIKKUUTIKHAQ TUULIQHIMAYUNUT ATUGANUT .....	ERROR! BOOKMARK NOT DEFINED.
2.8	MALIKKUUTIKHAT ATUGIARARHATLU .....	ERROR! BOOKMARK NOT DEFINED.
2.9	MANILIURNAHUANGNIRMUN NAAMANGGITTUT PIDJUTIHIMAGAMIK TALVAMIT AKILIUTAINNIT .....	ERROR! BOOKMARK NOT DEFINED.
2.10	AKILIKTUUTIKHAIT AULAVIKHAAT TUTQUUMAVIA.....	11
2.11	QEC KUT QIUDJUTAA URRC KUNNUT MALIGAGHAINNIK (PITQUYAUYUT) [UKANGA E] .....	12

## **1.0 NAITTUMIK NAUNAIRUTIKHAQ**

Qulliq Auladjutitut Kuapuraissingga (QEC mik naittumik taivagaat), havagviulluangungmat, piyuqhauyut malikhugu Ilangga 12 (1) uumangga Iglunun Auladjutikhanut Akittuutilaanggit Ihivriungninggat Katimayiita Maligaa (Maligaaq), piimalutik anggurunmik havaagiyaannik Ministaup QEC kunni (Minista), pipkaitinnatik akittuutilaavikhamik akiliutikhamutluunniit. Havaaqaqtuq Minista imaa piyuqhaq talvanga malikhugu Ilangga 12 (2) Maligaata, uqaudjauvigiyauluni Auladjutikhanut Akittuutilaanggit Ihivriungninggat Katimayiitanit (URRC Katimayiiluunniit) iglunun audlatjutikhainnut piimayauyumut pipkaitinnatik akittuutilaavikhamik akiliutikhamikluunniit.

April 28, 2014 mi URRC kut tunihiyut Titiqqamik 2014-04 pittiagiplugu QEC kut 2014/15 Akittuutilaanggitnik Uuktuutikhamik upluanggatni Nuvaippa 1, 2013 mi ihuaqhaqtaupluni Fiapuiali 14, 2014 mi Maassi 7, 2014 milu (Uuktuutaa).

QEC kut tunihiyut qiudjutimik ihumagiplugu URRC kut Titiraata 2014-04 Ministamut havaaqaqtumut QEC kunnut talvani May 9, 2014 mi (Qiudjut). Minista talvanga piimaliqtuq iniqhimayumik titiqqamik URRC kunnit May 9, 2014 mi malikhugu Ilangga 13 (3) Maligaanganni.

## **2.0 IHUMALIURUT PIUMAYAUYUMUT INIQTIKHAUYUMUT TITIRAQ**

### **2.1 IHIVRIUNGNIRMUN MALIKKUUTIKHAQ**

Ihumagiyaayut QEC kunnit Qiudjutaani ilitturiyaayut uvani Ilangganni. Talvali QEC kut ihivriurumaqatta URRC kut ihumaliugutaitanik talvani titirarhimayuni Titiraqmi 2014-04 mi, URRC kut atungniaqtaat malikkuutikhaq ihumaliuriami ihivriungningga ihuaqhakhakhimayutlu nakuuyaaqhaita QEC kunnit:

1. Talvami nutaanik itquumayunik, ilitturiyauhimmangittunik pikargittutikluuniit talvani tuniyauhimmayunik imaaluu talvuuna ihumaliugutigiyauvaktut Katimayiit ihumaliugutikhainik, imaaluu ilitturiyaulihaaliqhuni tuniyaungman Titiraq.
2. Ihumaliugumik Katimayiit ihuinaagutigiyayumik malikkani ihuinaagutluunniit pittaalaqiyaaqutigittaqqatluunniit, ihuaqhiyauqpatlu ihuinaagut pitjutiginahualiqhuni Titiraup nalvaaqtainik.
3. Ihuaqhainginnariaqaqtut titiraqtip ihuinaagutaannik qaritauyakkut kangiqhipkailutikluunniit kangiqhilluaqtaunggittumik pivikhaqaqqat.
4. Humilu aadlat malikkuutit, talvulluamun tuniyayunik, takudjutigumik nakuuyut nakuuyutli.

## **2.2 MANIKHAUTIKHAT:**

Qiudjutaanni QEC kut titirarhimayaat:

URRC kut ilitturihimagaluaqtillutik QEC kut uuktuutait akikhilaangniagutainnik ihuaqhaqhimayunik akiliutait imaa ittungnaqhiyut 10 pusanmik, Kuapuraissinga ihumaliuqtaaqtainnik taamna iniqhaqaqtup akiliutaa piniagungnaqhiyumut Uuktuutimi nakuuyungnaqhiyut ihuatqiaklu 2014/15 mi Uuktuutaani Uqionnga. Imaaluu, Kuapuraissinga piimaliqitut URRC kut ihumaliuffaaqlutik pipkuyaitlu akiliutait maniktaqtuutaitlu hivuatigut anggiktaulutik tuniyaukpat.

### **URRC Qiudjuraa:**

URRC kut ilitturiyut QEC kut tunihimmargittut nutaanik ihivriugutikhanik, naunaikhimmangittunik piqargittutluunnit talvani pilingmatta talvuuna ihumaliuqhimayut iniqhaqaqtup akiliutaa ihumaliuqtaat URRC kut. Talvami, URRC kut ihivriuqyut ihuaqhailugit iniqhaqaqtup akiliutait ihuaqhaivikhaat ihumaliuqtaat URRC kut Titiraqmi 2014-4 mi nakuunggittungnaqhiyuq.

## **2.3 AULLANGNAHUAKKAT ITIQTIVIKHAATLU**

Qiudjutaanni titiqqap QEC kut titiraqtut:

URRC kut pitkuyut akikhilaaqlugu hivuatigut aullaqvikhaut itiqtiqvikhaatlu akighait imaa \$0.500 milian. Akikhilaaqhimayut pitjutihimayuq talvanga URRC kut ihumaliurutainni taapkuat Kuapuraissinga tunihingginmatta ikayuutikhamik

anggikliyuummigutikhaa hivuani havaatigut aullarahuaq akikhainnik imaatun ittungnaqhiyut \$2.6 milian taimaittutun \$3.5 milian Uuktuutiani Uqiungga. URRC kut akikhilaagutaa pitjutihimayut talvanga atuinnaqtauhimatjutainni akiliuhiakhait talvani 2010/11-2012/13 uqiugatni (\$2.6 milian) ihuaqhaqhimayut 2 pusanmik akittuqtuuyaaqtuq uqiuk tamaat imaalu 5 pusan uqiuk tamaat amigaikyuummikmattalu aullarahuat havaamitigut.

Qiudjutainni URRC-QEC-7 URRC-QEC-315 lu, Kuapuraissi tunihiyuq huuq akittuqyuummikhimayut havaamitigut aullarahuatigut hivuani 2014/15 mi Uuktuutaanni Uqiungga, imaalu ilaliutiniaqtut:

- Atuqunahuaqtittilutik nakuuniavikhaannut irniqutinut havaakhat ayuikhautia;
- Amigaikyuummigutaa atan'nguyalluat aullarutikhait havaamitigut avikturviit aaffisiinnut;
- Amigaikyuumingmatta aullarutikhait ilauyaaginni kuapurat katimadjutimingnut;
- Amigaikyuumingmatta aullarutikhait HR havaktiit tuhaqtipkaiplutik havaanggitnik qinikhiaplutiklu havaktikhanik atan'nguyalluavikhanik;
- Amigaikyuumingmatta aullarutikhait auladjutikhanut havaktiit pauwaqaqviitlu ihivriuqvikhainnut; imaalu
- Amigaikyuumingmatta aullarutikhait IT kunni havaktiit tikiutinahuaqhugit uplumimut qaritauyat nunallaani.

QEC piimayut imaa URRC kut ihumaliuffaaqlutik qanurittaakhaa hatja pitququplutik anggirutimik Aullarutikhat Itiqtiqvikhaitlu akiliutikhait imaa \$5.182 milian mik tuniyauhimayumik.

### **URRC kut Qiudjutaa:**

URRC kut ilitturihimayut QEC kut tunihinggittut nutaanik itquumayunik, ilitturiyauhimanggittunik pikargittutikluuniit talvani itquumayut tuniyaungmatta imaalu talvuuna ihumaliugutigiyauviuvikhaugaluatniklu aullarutikhanut akighaita ihuaqhaqtauyukhaugaluat ihumaliuqtaannik URRC kut. Maliktuaqhugu, URRC kut piimayut imaa ihivriuqlugu aadlangguktitauhimayunik aullarutikhanut akighaita ihuaqhaqtauyukhamik ihumaliuqtainnik URRC kut talvani Titiraqmi 2014-4 mi piyaulimaittuq.

## **2.4 AADLATQIYAUNINGGA AKILIQTAKHAT**

Qiudjutaanni QEC kut titirarhimayaat:

URRC kut iniqtiqtaat taaffuminga aadlaqiyauninga pauwaqaqviup atauttimut manikhaakhautaa talvanga pitjutihimayut akiliqtuiyup akiliqtanggitnut (titiraq 49 titiraqmin) akikhilaaqhimaliqtutlu akiliqtuqhugu akiliqtauyut imaa \$0.200 milian atuqhugu \$270.0 milian talvanga Naunaitkutaa 6.1 mit atuqpakniqhaatlu akiliqtuiplogu akiliutaa 3.19 pusanmik. Kihiani, URRC kut iniqtirutaa imaatun piyungnaqhiyaat illiturilluaqhimaittugu; akiliqtuqtaat akiliqtauyuqhat naunaigutaita Maassi 7, 2014 mi iniqtigutigiplugu talvuuna pitjutihimaittugu akiliqtuiyup akiliqtanggitnik.

QEC kut tunihiyut ihuaqhaqhimayut kititiqhimayut akiliqtuqhimayut akiliqtauyuqhat talvani Ilangga A mi Qiudjutaat titiraanni.

### **URRC kut Qiudjutaat:**

URRC kut ihivriuqtaat nutaat kititiqhimayut akiliqtuqhimayut akiliuhiaqhat talvani ittuni Ilangga A mi Qiudjutaanni. Pitjutiplugit taapkuat kititiqhimayut URRC kut anggiktut ayuqhautaa akiliqtuqhat ihuaqhainia talvani Titiraqmi 2014-4 mi nakuuhiuq. Una naalvaagut ihuaqhimaniata akiliutaitatigut pitquyauyuq talvani Ilangga 3.0 mi uumani Titiraqmi.

## **2.5 UTIRUT NAAMMAGIYAUYUMIK**

Qiudjutaanni QEC kut titirarhimayaat:

Kuapuraitkut ilittuqhimani URRC kut ihuaqhainiatanut piumayaatnik ROE akiliuhiaqhaa pitjuthimayut qun'ngiaqattaqhugit pitjuthimayut avatqutdjutaita tahapkunanit akiliutait uuktuutit. Kuapuraitkut qun'ngiaqvia taapkunaitnut avatqutdjutaitanut nakuunggittuuugaluq qun'ngiaqhugu talvatuinnaqtut ihumaliuriami ROE tigut. Piumayaayuq ROE akiliutaa 2014/15 mut imaa 9.30 pusanmik ihumaliuqtaat talvanga pilihaaqtumit anggiktauhimayumit ROE kut akiliutaatanit taapkunanit Northland Utilities kunnut. Kuapuraissitkut qun'ngiatjutaat imaa QEC kut imaa piyuq aadjikkuihqhugu anggitqiamikluunnit nanminia qayarnaqhuni talvunamit Northland Utilities kut, ihumagiplugu alappaangnatqiangmanlu imaalu QEC kut aulayut imaa unggahiqtuuplutik mikitqiangguplutiklu nunallaanggit (imaalu piqargittunilu uiguluaqtuqhimayut agyautiuyutimik apkutiqargittunilu unggahiqtumut), piqalluangginmanlu genaraitaqtunik uqhuryuanik.

Kuapuraitkut ihumagiyut taaffuminga ROE ip akiliutaa QEC kunnut anggiktauyuqhaq talvamilluq inuuqatiriittiatatigut aadjikkuihiatigut aulatjutainnut. Kuapuraitkut

pittiaqtut piumaquplugit taapkuat URRC kut ihumaliuffaaquplugit uumamik pitquyauyuqhamik.

### **URRC kut Qiudjutaa:**

URRC kut ilihimayaat taamna akiliutaa utirutimun aadjikkiirutikhamut Northland Utilities nut 2012 mi 2013 milu takudjutihimayaat nakuutqiat akiliutaa utirutikhamut taaffumamut auladjutikhamut talvani imaalu, takudjutihimayurnaahiyuq maniliqitjutikhat havaakhatlu auladjutimut. URRC kut ihumagiyait taapkuangginnaunggittut nanminiit qayagiyaitnik kihimi taapkuatlu maniliqidjutit qayagiyait ihumagiyakhaitlu nanminiit nakuuyumik akiliuhiakhamik utirutimut aadjikkiirutikhamik. Taapkunanut QEC kut 2014/15 GRA URRC kut atuqtun avadkutjutait akighaitnik nalunaitkutigiyaupluni talvuuni maniit qayangnaqhiyaahaita, aadlatlu ihumagiyayut, ihuaqhaiyaami nakuuyumik akiliutikhat utirutimut aadjikkiirutikhamik.

URRC kut ilihimayaat QEC kut tunihinggittut nutaanik ihivriurarhanik, talvani ilitturihimanggittunik pivikhaqargittutluunnit talvani notes QEC has not provided any new evidence, which was not known or not available at the time evidence was adduced and which may have been a determining factor in the fair rate of return on equity determined by the URRC. Accordingly, the URRC considers review and variance of the fair rate of return on equity determined by the URRC in Report 2014-4 is not warranted.

## **2.6 AKIKHAQ ATUGAKMUN**

Qiudjutaanni QEC kut titirarhimayaat:

..URRC kut kititiqhimayait 4.74 pusanmik ihuittumik kititiqhimayurnaahiyaat Facility D mi, atukhutik akiliutimik 2.4 pusanmik atunggittugu atuqtakhaitanik akiliutaannik 4.24 pusanmik11. Ihuaqhaqtaugami akiqhaqaliqtut 4.81 pusanmik, talvanga amigaitqiyuummiktug utirutikhamik ihuaqhaqtaugami URRC kunnit talvuunamik \$0.083 milianmik. Takulugu Ilangga B ihuaqhaqtauhimayunik kititiqhimayunik ilaliutihimayunik akiqhaannik akiliqtauyuqhamik talvani uqium qitqani atuqhugu.

Ilitturihimayuyhaqlu taamna atuqtauyuqhaq taapkunanit Kuapuraitkunnit kititiqhimayumik ilaliutihimayuy akiqhaa akiliqtauyuqhamik aadjikutariarhaita atuqhugu talvani 2010-/11 GRA mi. Kuapuraitkut atuqpaqtaat kititiqhiriimi ilaliutihimayumut

akiqhaq takudjutigiplugu atugaup atunia piviani QEC kut, atugautaa atunia piviani takudjutiniaqtuq itkuumaniatigut avadqutjutiatiqut akiqhaq akiliqtauyquhamik talvanga Kuapuraissitkunnit talvani atuqtumi maniliqiup uqiuganni.

### **URRC kut Qiudjuta:**

URRC kut ihivriuqtaat kititiqhimayut ilaliutihimayut akiqhait akiliqtauyquhanik talvani ittuni Ilangga B mi Qiudjutaanni. URRC kut anggiktut taaffumingga ihuittumik pivaktut taaffumingga avatqudjutimik akiliutaannik talvunamut facility D mut talvani URRC kut kititiqhimayiani ilaliutihimayumik akiqhaq akiliqtauyquhamik talvani titirarhimayumik titiqqami 38 Titiraqmi 2014-4 mi. Pidjutiliqarman ihuinaaqhimayumik talvani 201415 utirutainni kititiqhimayunik imaa ittuq akiliqtauyquhamik utirutimik imaa ittuq \$0.083 milian.

Una ihuinaagut ihumagiyaugumi unggahiqtuni nunaqaqtuni tikiutilimaitait aullaqirutaa ihivriurutikhamik tuniyauqpat atauttimik akikitqiaqagumi \$0.1 milian talvanggalu QEC kut atauttimut akiqhait utirutaitaniklu. Kihiani, qiniqhugu ihuinaaqhimayut akiliqtuiffaaqhugu akiliqtauyquqhat talvani titirarhimayuni Ilangga 2.4 mi URRC kut ihumaliungniaqtut ihuaqhaqtauyaqhainik akiliqtauyquhamik utirutimik kititiqhimayumik takudjutikhimayuq talvani Titiraqmi 2014-4 mi nakuuqpat. Ihuaqhaqhimayuq akiliqtauyquqhaq utirut takudjutihimayuq talvani ihuaqhaqtauhimayumi aadlanggukhimayumik akiliutainni pitkuyayuyuni talvani Ilangga 3.0 mi.

Aadjikkiinahaqhugu qitqani uqiuganni katimadjutaanni atunia kititiqhiriami akiliuhiaqhaa, akingga akiliuhia akiliqtuqhauyuqhamik maniliqidjutikhaa akiliutaa kititiqtauniaqtuqlu atuqlugu qitqani uqiungga atuqpagainnik akiliuhiakhamik, akiliutait utirutit maliruaraliqinikkut. Ihualimaittuq atuqlugu akiliqtauyquqhaq kititiqhiriami akighaa akiliutait akiliqtauyquqhamut tamainnik atauttimut pivikhainnut imaalu qitqani uqiup katimadjutaanni akiliuhiaqhamik imaa pitjutiniarman tahapkuningga maniliurnirmun maniliqinikkutlu maniliuqtauhimayumut. Talvuna, URRC kut ihumaliuqtut piumanggittugu ihuaqhaqtaunggittumik talvanga qitqani uqiup katimadjutaanni nakuuqpat.

## **2.7 MALIKKUUTIKHAQ TUULLIQHIMAYUNUT ATUGANUT**

Qiudjutaanni QEC kut titirarhimayaat:

URRC kut titiraa titiraqmi 10 titiraqtauhimayumi imaa “Nunattiap Auladjutinut Kuapuraissinggat nuutiqtut IFRS nut 2012 mi” ihuanggittuq. Aadlanut titiqqivinikkut Nunattiap Auladjutinut Kuapuraissinggat pidjutihimmaangniaqtut titiqqivilutik ataani Kanatian GAAP ngatni.

QEC imaa titirarhimayutlu:

QEC’s takudjutiviani, akiliuhiaqvinikkut pivikhaatni Saskatchewan mi qanitqiaq ihuatqiaqlu. QEC kut ukpigiyait taapkuat pinahuarutit qanuqtut havakpaqtainnik inungnut ikayuutikhainnik taaffumamiklu FSR maliruarutinikkut maniliqinikkutlu titirainnik pivikhainnik tunihivikhaqaqtut nakuuyunik naunaitkutunik akiliutikhaliuriami piutainnik maniliugutitlu ihumaginit naunaiqhimayuni talvani URRC kut titiraanni. QEC kut pihimmaaginnariaqaqtut tunihimalutik kangirhitjutinik maniit qanuqtut atuqtauvariaqhaita titiqait titirarhimayuni PSA tigut malikhugu maliruarutitlu titiqqaita upalunggaiyaqhimayunik URRC kunnut akiliuhiagiuriangginni. QEC kut ammaumainnaqtut uqaqvigiyauyumaqpatta taapkuninga qanuqtut URRC kut pitjutivariaqhaita naunaitkutittanik kangirhinnaqpiyaqtumk akiliuhiagiuriangginni, kihimi malruungnik pivikhaqaqtuqhat:

1. Talvani uqaqvigiyauihatillutik, GN kut uqaqtut pilimaitait maniit qanuqtut atuqtauvariaqhaita pivinggatnik pitjutiniaqpat QEC kunnut maniit titiqqainnik nakuugiyaayunik OAG kunnit.
2. QEC piumaniaqtut ikikhilaangnahuaqlugit nampait ihuaqhaqtauyuqhanik maniit titiqqitjutainnik maliruararhaitaniklu titiqqaita, ikiqliyaangginni ihuinnaagutit.

### **URRC kut Qiudjutaat:**

Northwest Territories Power Corporation-ktut nuutiqtut IFRS kunnut maliruarutilivinikkut. Kihiani, maniit titiqqidjutainnik pivikhaita nuutiqttingittut huli IFRS kunnut tuulliiqtut kakugu piniaqtut. Kihimi, NTPC kut munarihimmaangniaqtait maliruararhaivinikkut tuulliqhimayut atukkat maniit titiqqiviliqinikkutigtut.

QEC kut uqaqtut akiliuhiagiuriangginni malikkuutikhamik hatja pihimayut qanitqiangguyuk Saskatchewan mi nakuutqiaqupluni maliruararhavinikkut QEC kut. Talvuuna QEC kut piumayut pivikhaqaqtuqhaunggittumik pilutik talvani maliruararhakvinikkut tuulliiqtut atukkat uqaqvigiyaayut talvani Ilangga 2 Titiraqmi 2014-4 mi. URRC kunnit ihumagiyaat kiuvikhaqaqvinikkut piinnariaqaqtait humaanggittutq auladjutikhamik nanminigaugaluagumik igluqaqtut kavamatuqait kuapuraisinggitniluunniit. Tamaita atautikkut pivilluanga imaa

piqariami tuulliinnaittumik ihuaqtumiklu kiuvikhaqaqvinikkut pitjutigiyainni QEC kut nanminigiyaunik (Nunavut Kavamanga), Kuapuraisikkut Ilauyut Katimayiinggita (QEC kut Maligaliqinirmun Timingga) inungnunutlu.

Tuulliinnaittumik ihuaqtumiklu kiuvikhaqaqvinikkut pilimaittuq atuinnaqhimaanggitpatta qanuqtut pidjutivaqtainnut titiqqiviliqinikkutlu maliruararhanik maniit titiqqidjutainniklu. QEC kut havaanggit maliruararhanut ihumaliuqtauqatta atuqhutik maliruararhanik tuulliiqtunut akiliqtauyuqhanik maniitlu titiqqidjutaita ilitturinnaiplutik tuulliiqtunik akiliqtauyuqhanik talvuuna naunaiqhungguyuq malruuqnik atuqpagainnik taapkuningga utirutinut akiliqtauyuqtuniklu.

2008/09 ngat 2009/10 lu Maniliqiyilluap Titiraita ihuaqpiagtumik pidjutihimayut nalvaaqtaungmat “Kuapuraitkut akiliqtuilimaittait akikhat tikkuaqtaugumik kihimi maningmiklu ikayuqtaugumik kihiani Nunavut Kavamani, tikiutingginmatku malikkuutikhat akiliuhiagiuriangginni ihuaqhaqhimayunik kititihiriami”. Maniliqiyilluap Titiqqait nakuuyut nalvaangman “Kuapuraitkut” akiliqtuilimainmatigu akikhat tikkuaqtaunggitkumik ikayuqtaugumik maningnik Nunavut Kavamani, tikiutingginmatku malikkuutikhat akiliuhiagiuriaginni ihuaqhaqhimayunik kititihiriami:. Ilitturiyayaami una ihumaigyauyuq, URRC kut titiraqtut imaatun:

Malikhugu maliruararhanut titirarhimayuni talvani Malikkuutini imaa “Akiliuhiakhat ihuaqhaqtauyuqhat, qiniklutik atunggittumi hivuni uqiumi, atauttimut utiritit auladjutivinikkut maniliuqtut akiliuhiakhaatigut aadjikuhirniaqtaat atauttimut akikhat kivraqtuiviliqinikkut. Una uuktuutigiyauyuq hivumut uqiuqqat anggiqatiriiktaupluni taapkunanit maliruararhaqtimit (Ministap uqaudjaulunilu URRC kunnit) aammalu auladjuuvigiyauyuq (QEC kut) humi auladjutiviqaqtuni humi nakuuyumi akiliuhianikut utirirutinut pittiaqtut taaffumamut hivuatigut uuktuqtut uqiuqqani himmauhiqhutik imaa aanniqtaililiplutik nakuuqpiagtumik havakhutik alruyalinirmun. Talvani ittuni maliruararhavinikkut niriutut imaa auladjutinikkut uuktungniaqtaat nakuuyumik havakpiaqlutik munariyaami akikhait utirutaitalu. Maliruararhanikut nakuunggittumik piliqpaqtuq auladjutiviliqinikkut pigaanggamik tikkuaqtaunikut ikayuqtaugumikluunniit maningnik Nunavut Kavamani, talvatun titirarhimayainni Maniliqiyilluap.

Talvani URRC kut takudjutiani, QEC kut ihuahaffaagumikkut maliruararhakhimayut tuulliiqhimayut akiliqtauyuqhat, Maniliqiyilluap hivuni nakuugiyaangginni titiraqmi taimaa

pilimaittut, QEC kut tunihigumik kiliqtuilugut akikhat atunggillutik tikkuqaunirmun ikayuqtaulutikluunniit maningnik Nunavut Kavamani, malikhugu Malikkuutikhat maliruararhatlu. Ihuaqhaffaagumikku maliruararhakhimayut tuulliiqhimayut akiliqtauyuqhat kiuvikhaqinikkut pidjutiqarman maliriami maliruararhinikkut.

QEC kut tunihinggittut nutaanik ihivriurarhanik, ilitturihimanggittunik piqargittunikluunniit talvani ihivriurutit tuniyaungmatta ikayuutauniagungnaqhigaluaqtut URRC kut ihumaliurutimingnut pittiaqiplugit maliruararhanikkut. Imaali, URRC kut ihumayut qun'ngiaffaaqlugit pitkuyayunik talvani titirarhimayuni Ilangga 2.0 Titiraqmi 2014-4 inikhimalluanggittumi.

## **2.8 MALIKKUUTIKHAT ATUGIARARHATLU**

Qiudjutaanni QEC kut titirarhimayaat:

Kuapuraisikkut ilaliutihimaliqtait pitkuyayut ihuaqhaqtauyuk talvungga ihuaqhakhimayut Maligaghainni uvvalu Maliktaugialiit Atugtaqhat Havaami (T&C's nik naittumik taivagaat), talvani ittuni Ilangganni D.

### **URRC kut Qiudjutaa:**

URRC kut ihivriurtaat ihuaqhaqhimayut T&C's ngat talvani Ilangga D mi Qiudjutaanni naunaitkutinilu aadjikkuhimayut URRC t pitkuyainni. T&C sngat ihuaqhaqhimayut utiffaaqtauyut Ilangga D mi anggiktauplutik.

## **2.9 MANILIURNAHUARNIRMUN NAAMANGGITUT PIDJUTIHIMAGAMIK TALVAMIT AKILIUTAINNIT**

Qiudjutaanni QEC kut titirarhimayaat:

Kuapuraitkut anggiktut pinahuaqtaat pinggillutik inungnit akiliutit akiliqtakhat utirutimit tuullirutigiplunilu pivalliavinikut iniqtaqhanik akiliuhiakhat 2014/15 mut.

### **URRC kut Qiudjutaa:**

URRC kut anggiktaat QEC kut anggirutaata qulvani hamna titirarhimayumi.

## 2.10 AKILIKTUUTIKHAIT AULAVIKHAAT TUTQUUMAVIA

Qiudjutaanni QEC kut titirarhimayaat:

Uuktuut piumayut anggiktauyaami ihuakhaqtauyuhamik taaffumamut Atan'nguyalluamut Malikkuutiqaqhuni taaffumungga uqhuryuanggit akiliktutikhait aulavikhaat tutquumavia, uqariyauyuq talvani Ilanga 9 Uuktuutimit. Uvallaqlu, Uuktuut uqariyauyuq ihumagiyauyumik (titiqqami 9-1 Uuktuutimit):

Kuapuraissikkut takudjataa titirarhimayumi maliktumut FRS Malikkuutaanni ikayuutaaniaqtuq ihuaqhaffaangniatigut ilaliutiyaami aadlanik kangirhinnaqtunik:

“Talvunalluangmun Kuapuraissikkut akiliqtuiviliqinikkut, Nunavut tamaanni urhuqyuat akikhait tamainni pidjutiukhaq kaffisantnik atauhingmun kilowatmun iqaangnitigut. Una pidjutiniaqtuq akittuqyuummikluni akikhilaaqluniluunniit tamainnut nunallaat akiliutatigutlu.”

Kuapuraissikkut piumayut ihuaqhaffaaqlugu una titirarhimayut FRS Malikkuutaa himmauhiqlugu hapkuningga:

“Talvunalluangmun Kuapuraissikkut akiliqtuiviliqinikkut, Nunavut tamaanni urhuqyuat akikhait tamainni pidjutiukhaq kaffisantnik atauhingmun kilowatmun iqaangnitigut.”

Piumayauyuq ihuaqhautikhaq kangirhittaagutikhamik talvani FRS Malikkuutaanni. Taamna piumayauyuq ihuaqhautikhaq pidjutilimaittaa kititingnikkut FRS piutainni, kihimi pidjutiniaqtuq kangirhittiarnaqtumik.

URRC Titiraa pidjutilimaittaa URRC takudjutaanni pitkuniatigutlu qaanggani ittumi piumayauyumut. QEC kut pittiaqtut piumaplutik URRC pitkuyut anggiklugu una aadlangguktuqhauyuq.

### **URRC kut Qiudjutaa:**

URRC kut ihivriuqtaat qaangganiittuq piumayauyuq piniaqtaatlu piumayauyuq aadlangguktuqhaq tainiit Urhuqyuat Akiliutikhait Tutquumavia (FRS mik taivagaat naittumik) malikkuutaa.

## **2.11 QEC KUT QIUDJUTAA URRC KUNNUT MALIGAGHAINNIK (PITQUYAUYUT) [ILANGGA E]**

Talvani Ilangga E QEC kut naunaiyaqtait qiudjutaita malikkuutatigut URRC nga Titiraqmin 2014-4. URRC kut ihumaqargitkaluaqhutik tamainnut malikkuutimut, ilitturiuqhauyuq tamaini pitkuyauyuni kiuvikhaqaqlutik QEC kut nanminigiyaarningnut (Nunavut Kavamanga), Kuapuraissikkut Katimayiita (QEC kut Timiliuqtaa) akiliqtuiyuqtutlu.

Akihaqtuinikkut nunaquyuptingni ihuaqtumik anullaqhaitigut pilutik piyuqhat kiuvikhaqaqlutik nanminikhatigut inungmun hunamutluunniit. Nunaquyuptingni Atan'nguyaq himmautigiyaak akihaqtuinikkut. Titiqqivinikkut kiuvikhatigutlu piutait piqaqtakhait taapkuat ihumaliuqtaaqyaami auladjutit akikhainnut utirutinutlu. URRC kut Pitkukuyait

Ilanggit 13(3) unalu 13(4) Maligakmi pivikhaqaqtuq pittiaqhugu Inikhimayumik Titiraqmi piumayaannik Ministap:

Inikhimayumik titiraq

(3) Talvani 30 ni upluni pigumikku titiraq piliuqhimayuq ataani ilanga (1), havaagiyaa Ministamut, ihumagumi nakuuyuq piomagumi, piinnariaqaqtuq piomayamini titiraqluni imaa Ihivriuqtiuyut Katimayiit piyuqhat inikhimayumik titiraqmik, tuulliiqtittinggitlugu Ministamit.

Iluaniittut inikhimayumi titiraq

(4) Havaagiyaa Ministap piomayuq ataani ilangganni (3), Ihivriutiit Katimayiit piomaffaaqtaqhaat titiraa, iniktiqluni titiraqmik:

(a) piffaaqlugu pitquyauyumik talvamilluaq titiraqhimalluaqhimayumi titiraq; imaaluunniit

(b) aadlanik pitquyauyunik piliuqhimayut ataani ilanga (1).

Uvani Inikhimayumi Titiraq URRC kut pitkuyut imaa:

1. 7.1 pusanmik anggikliqyuummikluni auladjutit akiliutainni Naunaitkutimi 3 Qiudjutaanni, anggiktauluni QEC kut atuliqqat May 1, 2014 mi. Pivikhaatigut ihumaliurniarningganut inikhimadjutaa auladjutit akiliutait, hadja pihimayuq Urhuqyuanit Akikhait (FSR) imaa ittuq 3.92 cents atauhingmun atautikkuqtauluni talvani pihimayumi auladjutit akiliutainni imaalu 7.1 pusanmik anggikliqyuummigutaa piyauluni atautikuqtaudjutaanni auladjutit akiliutaanni.

2. Taapkuat Malikkuutikhat Atugiakhatlu talvani titirarhimayut Ilangga D Qjudjutaanni anggiktauyukhaq.

3. Taapkuat QEC kut piumayaat ihuaqhailugit taapkuat FRS malikkuutinggit anggiktaulutik imaatun:

Himmauhiklugit titirarhimayut ataani:

“Talvuuna pivikhaatigut Kuapuraissikkut akiliuhiatigut atuqpagainnik, Nunavutim urhuqyuanut akikhait aadjikutarniaqtut tammaanni kaffisat atauhirmun kilowatt atauhirmun ikaangniupnut. Taimaa akittuqyuummingniaqtuq akikhilaaqluniluuniit akikhat tamainut nunallaat akiliutait atuqlugitlu.”

Imaatun titirarhimayukhaq ataanutun:

“Talvuuna pivikhaatigut Kuapuraissikkut akiliuhiatigut atuqpagainnik, Nunavutim urhuqyuanut akikhait aadjikutarniaqtut tammaanni kaffisat atauhirmun kilowatt atauhirmun ikaangniupnut.

Piqargittuq uvani Titiraqmi ihuiguhulimaitakhaqmik URRC kut ihumaliuknikkut taimaalu aallat ihumagiyauhimagiyunik taapkuningga QEC kut.

## **PITQUTIGIPLUGIT**

### **AULADJUTINUT AKIKHAIT IHIVRIUNGNINGGIT**

#### **KATIMAYIITA NUNAVUNMI**



---

**TITIRARHIMAYUQ: May 16, 2014**

**Raymond Mercer**

**Ikhivautalik**